

Նամեաց գերի վարեալք, ի հայրենեաց տարազրեալք, եւ թող զսրով անկեալսն յազնուագունիցն եւ ի քաջագունիցն: Եւ ո՛ւր ուրեք փոքր փոքր երեւէաք՝ զմիմեանս ի խածատելոյ ոչ դադարէաք, մինչեւ որպէս զգիւթաւալ անոյժ եւ անզօր մնացաք, ոչ կարելով հանել զաւուր կերակրիկն ընտանեաց եւ տղայոցն^(*): Այս պատճառաւ ոչ կամելով զայլոց թագաւորեն ի վերայ իւրեանց կամ այլ ոք իշխել եւ մեծանալ, զի զինչ և կամիցին արասցեն. նաև մի լուիցեն զձայն թովչի ճարտարի եւ մի առցեն զգեղ յիմաստնոյն: Յազագս որոյ եւ յամենայն եկեղեցիս ումանք ոմանք աշխարհականք՝ լիւրք և անամօթք^(**), փարիսեցոց նման եւ դպրաց՝ իշխեալ ի վերայ կարգաւորաց^(***): Զանարգանս եւ զհայհոյութիւնս զէն և սուսեր ընդ իւրեանս, ապականեալ և քայքայեալ զաւանդ հարց և զդաշինս հարց սրբոց, ասացին նորա թէ Փռանկ է, եւ իւրեանք ոչ գիտէին բնաւ զպահս, ձէթ եւ գինի անխտիր, ի գինեվաճառս կային, որ իւրեանց տուն էր պաշտման, յաւել եւ երկրպագութեան^(****): Անդ էր նստելոյ տեղիք եւ խորհելոյ զամբարտաւանութիւն, եւ անտի առ տունս իւրեանց առ կինս իւրեանց պատմէին մեծաբանելով. Այսօր զքահանայ մի արգիւեցաք ի կարգէն, անարգեցաք և թքաք յերեսս նորա. և կամ՝ Զոմն ի դուրս վարեցաք յեկեղեցւոյ եւ զայլ ոմն վաղիւն այսպէս առնելոց եմք. այլք, ասէ, կանգնեալ կային առաջի մեր եւ դողալին ձեռնակապիւք: Որո՞յ իրիցու իրիցկին այսօր ի քեզ եկն խնդրկան, կամ համբուրեաց զձեռս քո և

(*) Լուս. Ղալաթացիք:

(**) Հրեշտակապետցիք:

(***) Քահանայից որ կանգնէին առաջի իւրեանց, զոմանս ի կալանս պահէին եւ զայլս ի գետնի տարածեալ՝ յոտիցն գանէին:

(****) Սուրբ Աճաճնցիք: